

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ՎԵՐԱՀՍԿՈՂԱԿԱՆ ԾԱՌԱՅՈՒԹՅԱՆ

Ե/844-24

10 Ապրիլի, 2024թ.

0077, ք. Երևան, Մ. Մաշտոցի պողոտա 47

«ԳԱՎԱՌԻ ԲԺՇԿԱԿԱՆ ԿԵՆՏՐՈՆ» ՓԲԸ-Ի
ՏՆՕՐԵՆ ԳԱՐԻԿ ՍՈՂՈՄՈՆՅԱՆԻՆ

Հարգելի՛ պարոն Սողոմոնյան,

Ղեկավարվելով «Պետական վերահսկողական ծառայության մասին» օրենքի 6-րդ հոդվածի 3-րդ մասով՝ ՀՀ պետական վերահսկողական ծառայությունն (այսուհետ՝ Ծառայություն) իրականացրել է «Գավառի բժշկական կենտրոն» ՓԲԸ-ի կարիքների համար 2024 թվականի հունվարի 26-ին գնումների պաշտոնական տեղեկագրում (այսուհետ՝ Տեղեկագիր) հրապարակված «**Լաբորատոր նյութերի**» ձեռքբերման նպատակով կազմակերպված «**ԳՎԲԿ-ԳՀԱՊՁԲ-24/8**» ծածկագրով, 2024 թվականի հունվարի 26-ին Տեղեկագրում հրապարակված «**Բժշկական պարագաների**» ձեռքբերման նպատակով կազմակերպված «**ԳՎԲԿ-ԳՀԱՊՁԲ-24/9**» ծածկագրով և 2024 թվականի հունվարի 30-ին Տեղեկագրում հրապարակված «**Բժշկական պարագաների**» ձեռքբերման նպատակով կազմակերպված «**ԳՎԲԿ-ԳՀԱՊՁԲ-24/10**» ծածկագրով գնման ընթացակարգերի վերլուծություն, որի արդյունքում պարզվել է հետևյալը՝

2024 թվականի մարտի 26-ին Տեղեկագրում հրապարակված «**ԳՎԲԿ-ԳՀԱՊՁԲ-24/8**» ծածկագրով ընթացակարգի կնքված պայմանագրի մասին հայտարարության համաձայն (**Փ1**)՝ 1, 3, 16, 17 և 26 չափաբաժինների մասով, 2024 թվականի ապրիլի 8-ին Տեղեկագրում հրապարակված «**ԳՎԲԿ-ԳՀԱՊՁԲ-24/9**» ծածկագրով ընթացակարգի կնքված պայմանագրի մասին հայտարարության համաձայն (**Փ2**)՝ 5 և 48 չափաբաժինների մասով, իսկ 2024 թվականի ապրիլի 1-ին Տեղեկագրում հրապարակված «**ԳՎԲԿ-ԳՀԱՊՁԲ-24/10**» ծածկագրով ընթացակարգի կնքված պայմանագրի մասին հայտարարության համաձայն (**Փ3**)՝ 38, 43, 44, 46 և 47 չափաբաժինների մասով ընտրված մասնակից է ճանաչվել նվազագույն գնային

առաջարկ ներկայացրած «Լինարե Մեդ» ՍՊ ընկերությունը (ՀՎՀՀ՝ 01063047) (այսուհետ՝ Ընկերություն):

Համաձայն իրավաբանական անձանց պետական ռեգիստրի պետական միասնական գրանցամատյանի՝ Ընկերության 100% բաժնեմասի սեփականատեր է հանդիսանում Շողիկ Հրաչիկի Թունյանը (Փ4), իսկ 2023 թվականի դեկտեմբերի 15-ից ընկերության տնօրեն է հանդիսանում Արթուր Ռոբերտի Շեգունցը (Փ5):

Ծառայությանը հասանելի տեղեկատվական շտեմարաններում առկա տեղեկատվության վերլուծությամբ պարզվել է, որ «Լինարե» ՍՊ ընկերությունը (ՀՎՀՀ՝ 09212215)՝ որի իրական շահառու է հանդիսանում Արթուր Ռոբերտի Շեգունցը, 2023 թվականի դեկտեմբերի 23-ից մինչև 2025 թվականի դեկտեմբերի 23-ը ներառված է գնումների գործընթացներին մասնակցելու իրավունք չունեցող մասնակիցների ցուցակում: **Ուշագրավ է այն, որ Ընկերության տնօրեն Արթուր Ռոբերտի Շեգունցի և «Լինարե» ՍՊ ընկերության միջև առկա է փոխկապակցվածություն, մասնավորապես՝ Ընկերության տնօրեն Արթուր Ռոբերտի Շեգունցը հանդիսանում է նաև «Լինարե» ՍՊ ընկերության 100% բաժնեմասի սեփականատեր (Փ6):**

Այսպես՝ «Գնումների մասին» օրենքի (այսուհետ՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, **գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: ...:»**

Համաձայն ՀՀ Կառավարության 2017 թվականի մայիսի 4-ի N 526-Ն որոշման 1-ին կետի 1-ին ենթակետով հաստատված կարգի (այսուհետ՝ Կարգ) 119-րդ կետի 2-րդ ենթակետի՝ գնումների հետ կապված հարաբերությունները կարգավորող Հայաստանի Հանրապետության օրենսդրության իմաստով՝ **Ֆիզիկական և իրավաբանական անձինք համարվում են փոխկապակցված**, եթե նրանք գործել են համաձայնեցված՝ ելնելով ընդհանուր տնտեսական շահերից կամ եթե տվյալ ֆիզիկական անձը կամ նրա ընտանիքի անդամը հանդիսանում է՝

ա. տվյալ իրավաբանական անձի բաժնետոմսերի տասը տոկոսից ավելին տնօրինող մասնակից,

բ. Հայաստանի Հանրապետության օրենսդրությամբ չարգելված այլ ձևով իրավաբանական անձի որոշումները կանխորոշելու հնարավորություն ունեցող անձ,

գ. փվյալ իրավաբանական անձի խորհրդի նախագահ, խորհրդի նախագահի փեղակալ, խորհրդի անդամ, գործադիր փնօրեն, նրա փեղակալ, գործադիր մարմնի գործառնօթներ իրականացնող կոլեգիալ մարմնի նախագահ, անդամ,

դ. իրավաբանական անձի այնպիսի աշխատակից, որն աշխատում է գործադիր տնօրենի անմիջական ղեկավարության ներքո կամ իրավաբանական անձի կառավարման մարմինների կողմից որոշումների ընդունման հարցում որևէ էական ազդեցություն ունի:

(...)

Ընդ որում՝ Կարգի 121-րդ կետի համաձայն՝ մասնակցի՝ Օրենքի 6-րդ հոդվածի 1-ին մասի 6-րդ կետով նախատեսված ցուցակում ներառվելը, դրանում գտնվելու ժամանակահատվածում, ինքնաբերաբար հանգեցնում է վերջինիս հետ փոխկապակցված անձանց գնումների գործընթացին մասնակցության իրավունքի սահմանափակման:

Ընթացակարգերի հրավերների 1-ին մասի 8.15 կետի համաձայն՝ **Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պարզիրարարուի ղեկավարի պարճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: (...)**


Ելնելով վերոգրյալից և հիմք ընդունելով «Պետական վերահսկողական ծառայության մասին» օրենքի 5-րդ հոդվածի 1-ին մասի 14-րդ կետը՝ առաջարկում ենք՝ առաջնորդվելով սահմանված իրավակարգավորումներով, գնումների գործընթացը համապատասխանեցնել Հայաստանի Հանրապետության օրենսդրության պահանջներին՝ արդյունքների մասին տեղեկացնելով Ծառայությանը:

Առդիր՝ 6 (վեց) նիշք:

ՀԱՐԳԱՆՔՈՎ՝

ԳՆՈՒՄՆԵՐԻ ԳՈՐԾԸՆԹԱՅՆԵՐԻ

ՎԵՐԱՀՍԿՈՂՈՒԹՅԱՆ ՎԱՐՉՈՒԹՅԱՆ ՊԵՏ՝



ԿԱՐԵՆ ՄՆԱՅԱԿԱՆՅԱՆ